



Republika e Kosovës
Republika Kosova - Republic of Kosovo

Autoriteti Kosovar i Konkurrencës
Autoritet Kosova za Konkurrenciju - Kosovo Competition Authority

REPUBLIKA KOSOVA
REPUBLIC OF KOSOVO
AUTORITETI KOSOVAR I KONKURRENCËS
AUTORITET KOSOVA ZA KONKURRENCIJU
KOSOVO COMPETITION AUTHORITY
Nr. i Prot./Br. Prot./Prot.No. 92/18 - 02/10
Nr. i Fq./Br. St./No. Pg. 1/3
Data/Datum/Date: 27.02.2018
PRISHTINË-PRISHTINA-PRISTINA



Datë: 27.02.2018

Komisioni i Autoritetit Kosovar të Konkurrencës mbështetur në nenin 28, nenin 29 paragrafi (1), nenin 54, paragrafi (2) me nën paragrafin 2.3, neni 3 paragrafi (1.8), neni 34, nenin 35 paragrafi (5) i Ligjit për Mbrojtjen e Konkurrencës Nr. 03/L-229 (Gazeta zyrtare Nr. 88/25), dhe Ligji Nr. 04/L-226 për ndryshimin dhe plotësimin e Ligjit Nr. 03/L-229 për Mbrojtjen e Konkurrencës si dhe Ligji Nr. 05/L-031 për Procedurën e Përgjithshme Administrative sipas kërkesës së grupit të Operatorëve ekonomik përmes të autorizuarit të tyre z. Vehbi Halili – avokat, me pretendimin e tyre për abuzim me pozitën dominuese në tregun e shërbimeve funerale nga Bashkësia Islame e Kosovës – dega në Prishtinë, Komisioni i AKK-se në mbledhjen e mbajtur me datën 27.02.2018 merr këtë:

KONKLUZION

- I. Bazuar në dispozitat e Ligjit për Mbrojtjen e Konkurrencës, gjatë shqyrtimit paraprak të hetimit të situatës në tregun relevant, konstatohet se nuk ka argumente për Fillimin e Procedurës Hetimore ndaj Bashkësisë Islame – dega në Prishtinë në tregun e shërbimeve funerale/rituale.
- II. Ky konkluzion hyn në fuqi ditën e nënshkrimit nga ana e Komisionit.

ARSYETIM

Autoriteti Kosovar i Konkurrencës me datën 08.05.2017, në shkresën me numër të Prot. 108/17-01/H, ka pranuar kërkesën nga operatorët ekonomik: DPT “Priamida”, NSH “Kujtimi”, “LOTI”, “Ruhani B/T”, “Kurora”, “Dardania” dhe “Doni” përmes të autorizuarit të tyre z. Vehbi Halili – Avokat, kundër Bashkësisë Islame të Kosovës dega në Prishtinë, në lidhje me zbatimin e vendimit të komunës së Prishtinës me nr. Prot. 01/400/93043 i datës 03.04.2015 për kompensimin e shpenzimeve familjeve që përjetojnë vdekjen e anëtarit të familjes.

Pretendimet e operatorëve ekonomik të paraqitura në kërkesë për shkeljen e dispozitave të Ligjit për Mbrojtjen Konkurrencës konkretisht neni 11 i Ligjit për abuzim me pozitën e saj dominuese

nga Bashkësia Islame e Kosovës dega në Prishtinë me rastin e ofrimit të shërbimeve funerale/rituale.

Ankuesit pretendojnë se Bashkësia Islame e Kosovës (BIK) - Dega në Prishtinë me rastin e zbatimit të vendimit të Komunës së Prishtinës me nr. 01/400/93043 i datës 03.04.2015 shfaqen shenjat e pengimit të zhvillimit të konkurrencës së lirë dhe efektive.

Autoriteti Kosovar i Konkurrencës sipas kërkesës së operatorëve ekonomik ka filluar monitorimin e tregut relevant.

Tregu përkatës apo relevant

Tregu gjeografik - duke iu referuar *nenit 6 të Udhëzimit Administrativ për mënyrën dhe kriteret e përcaktimit të tregut përkatës nr. 02/2011*, bazuar në kërkesën e operatorëve ekonomik tregu gjeografik do të konsiderohet territori i Komunës së Prishtinës.

Tregu i produktit:

Shërbimet funerale/rituale sipas kodit të regjistruar pranë MTI-së nr. 9603

Struktura e Tregut

Nga analiza e tregut të shërbimeve funerale, konstatohet se tregu është konkurrues dhe nuk është i përqendruar.

Vlerësimi i të dhënave gjatë shqyrtimit paraprak të hetimit dhe analiza e konkurrencës

Në bazë të gjitha fakteve të prezantuar nga ana e operatoreve ekonomik po ashtu edhe nga Bashkësia islame e Kosovës dhe Komuna e Prishtinës vlerësojmë se:

1. Në bazë të vendimit të komunës së Prishtinës lidhur me pagesën e shpenzimeve familjeve që përjetojnë humbjen e anëtarëve të familjes **nuk kufizohet konkurrenca në mes të operatorëve ekonomik dhe Bashkësisë Islame të Kosovës.**
2. Interpretimi i vendimit të komunës së Prishtinës nr. 01/400/93043 i datës 30.04.2015 në mënyrë decisive përcakton se çka cilësohen shërbime funerale (transporti i kufomave) dhe po ashtu përcaktohen ritet fetare.
Sipas këtij interpretimi me nr. 14-120/03-0220162/17 të datës 31.08.2017 transporti i kufomave i është lënë që qytetarët të jenë të lirë të zgjedhin se me cilin operatorë ekonomik do t'i kryejnë këto shërbime të transportit funebre.
3. **Shërbimet fetare (ritualet fetare)** sipas interpretimit të zyrës ligjore të Komunës së Prishtinës nënkupton të gjitha shërbimet që i ofrojnë Bashkësitë Fetare (në këtë rast BIK - dega e Prishtinës) për të cilat e kanë ekskluzivitetin dhe nuk mund te kryej ndonjë organ, institucion, apo operator tjetër ekonomik.
4. Marrëveshja e bashkëpunimit e datës 02.03.2016 në mes të Ministrisë së Punës dhe Mirëqenies Sociale, Agjencisë së Regjistrimit Civil, Agjencisë së Shoqërisë së Informacionit dhe Kryesisë së Bashkësisë Islame të Republikës së Kosovës e cila ka për

qëllim sigurimin dhe shkëmbimin e informacionit në mes këtyre institucioneve të lartpërmendura për rastet e konfirmuara të vdekjes së qytetarëve në Republikën e Kosovës.

Të gjitha dëshmitë që kemi marrë gjatë shqyrtimit paraprak të hetimit tregojnë së nuk ka shkelje të konkurrencës në tregun e transportit funeral ndërsa për çështjet e tjera që operatorët ekonomik kanë kërkuar që shërbimet funerale të përfshijnë edhe një pjesë të shërbimeve (ritualeve) fetare kjo nuk iu e lejohet pasi Bashkësitë fetare e kanë ekskluzivitetin sipas ligjeve në fuqi dhe formës së organizimit të tyre në Republikën e Kosovës.

Autoriteti Kosovar i Konkurrencës pas shqyrtimit dhe vlerësimit të shkresave të lëndës, dokumentacionit të ofruar nga palët dhe takimeve të realizuara, ka ardhur në përfundim se nuk ka fakte dhe argumente mbi bazën e të cilave mund të fillojmë iniciimin e procedurës për hetim. Autoriteti në bazë të kompetencave ka kërkuar nga Komuna e Prishtinës përkatësisht nga zyra ligjore që të interpretojë vendimin me nr. Prot. 01/400/93043 i datës 30.04.2015 përkatësisht pikën 2.

Sipas evidencës së të dhënave dhe vlerësimit të këtij vendimi të Komunës së Prishtinës, dhe sjelljeve në tregun përkatës të Bashkësisë Islame të Kosovës – dega në Prishtinë, Komisioni i Autoritetit Kosovar të Konkurrencës duke u bazuar në nenin 35 paragrafi 5 i Ligjit për Mbrojtjen e Konkurrencës vlerëson se nuk ka argumente për fillimin e procedurës hetimore dhe u vendos si në dispozitiv të këtij konkluzioni.

Këshilla juridike: Kundër këtij konkluzioni nuk është e lejuar ankesa por pala me padë mund të inicioj konfliktin administrativ pranë Gjykatës kompetente për çështje administrative.

Me këtë KONKLuzion të njoftohen:

- Arhiva
- Publikohet në web faqen e Autoritetit
- Palët

AUTORITETI KOSOVAR I KONKURRENCËS
KOMISIONI


Valon PRESTREŠI
Kryetar


Ahmet KRASNIQI
Zv. Kryetar


Fatime HAZIRI
Anëtare


Shaqir MORINA
Anëtar


Muhamed KRASNIQI
Anëtar

